

No.J.12019/17/2020-DC(KZL)/VOL-V
OFFICE OF THE DEPUTY COMMISSIONER
KHAWZAWL DISTRICT : KHAWZAWL

Khawzawl, the 15th September, 2020

HRIATTIRNA

Hripui Corona Virus (Covid-19) chuan Mizoram a run mek a, mi engemawzatin he hri hi an kai mek a ni. He hripui hian Khawzawl District pawh a luhchilh mek avangin mipuite kan fimkhur zual a ngai a, he hripui laka kan him zel theih nan a hnuaia mi te hi zawm theuh tur a ni:

1. Ram pawn/state pawn atanga rawn haw tur reng rengte chu an rawn haw hma ngeiin an awmna veng/khua Village Level Task Force (VLTF) hnenah an chhungten an report ngei ngei tur a ni. VLTF ten Police leh anmahni bialtu Zonal Officer hnenah emaw, DC Office-ah rang takin report an thehlut thin ang. Sawrkar department/Company, state pawn atanga lo kal tur mikhual emaw, hnathawk tur nei pawhin DC leh Police hnenah report zel tur a ni.

Report ah hian rawn haw tur Hmingpum, kum zat, Nu/Pa Hming, Home Address, Rawn hawna state, an rawn chhuah hun leh thlen hun tura beisei bakah anmahni biakpawh theihna tur phone number te tih tel tur a ni.

Report na turte chu:

- i) Khawzawl Police Station: 9862423388
- ii) Zonal Officer list hi thil tel (enclosed) a ni.
- iii) DC office (SDC mobile no.): 7005968251/9940515224

2. Ram pawn/state pawn atanga rawn haw tur in report te hi anmahni bialtu Zonal Officer ten lo ngaihtuah zuiin, an rawn thlen lain police duty point, Kawnzar-ah an lo hmuak ang a. Zonal Officer leh Police ten an awmna tur Quarantine Facility ruahman sa thleng an escort thin ang.

3. Aizawl atanga Khawzawl District a lo zin/haw te pawh an awmna veng/khua VLTF hnenah an in report zel tur a ni.

4. Mitinin kan zawm theih, face mask hmanga hmai tuam leh sahbawn/hand sanitizer hmanga kut silfai ngun hi a la pawimawh reng a ni mai lo a, a hma aiin a pawimawh tawlh tawlh tih hriain inthlahdah hauh lova chhunzawm zel tur a ni.

5. Chhungkaw tinte tul bik thilah lo chuan pawn chhuah leh midang kawm/lenpawh loh nise, a tam thei ang ber mahni inah inkhung tur a ni. Thil tul ti tura kan chhuak a nih chuan social distancing ngaipawimawh leh wawng tlat chungin kan chhuak tur a ni.

6. Khawzawl District mipuite khawchhung leh khaw kar kawngah motor hriatchian lohah chuang lo turin kan inngen a. A bik takin ram pawn/state pawn atanga rawn hawte phurtu motor-ah chuan hauh loh tur a ni.

7. Khawzawl District chhunga dawr-ah te leh heng infiamna hmun, gymnasia, spa, haircutting saloon, beauty parlour etc. ah te hian Register hmangin a dawrtute leh lut leh chhuak bio-data (Hmingpum, Address, Phone number) te chhinchhiah zel tur a ni. Register-ah hian a dawrtute ni lovin, dawr ngaktuin a ziak thin tur a ni.

8. Public transport heng – sumo, auto rickshaw, taxi etc. khalhtuten mask vuah leh kut silfai uar tur a ni. Passenger te hman tur hand sanitizer an pai reng tur a ni a, passenger ten motor an luh hmain hand sanitizer hmangin an kut an tifai thin ang. Tin. lirthei khalhtuten a zing thei ang berin lirthei chhung, thutna leh vawnban te uluk takin an tithianglim thin tur a ni.

9. Khawzawl District chhunga hotel leh thingpui dawr neitu leh thawktuten Face mask hmangin an hmai an tuam ulukin, kut silfai an uar tur a ni a. Dawr luh dawnah dawrtute hman tur hand sanitizer/kut silna an chhawp tur a ni. Social distancing vawn a nih theih nan hma an la ang a, thutthleng leh dawhkante pawh inhnaihchilh lutuk lovin an rem tur a ni.

10. Chhiatni thatni leh a kaihhnawih puipunna hmuna h te sawrkar leh VLTF ruahmanna siamte ngaipawimawhin, Covid-19 hripui laka kan him theih nan zawm zel tur a ni.

Sd/- ZOTHANMAWIA

Deputy Commissioner

&

Chairman,

District Level Task Force on Covid-19

Khawzawl District, Khawzawl

Memo No.J.12019/17/2020-DC(KZL) /VOL-V:Khawzawl, the 15th September, 2020

Copy to:

1. PS to Hon'ble Deputy Chief Minister, Govt. of Mizoram.
2. Sr. PPS to Chief Secretary, Govt. of Mizoram.
3. Secretary, Govt. of Mizoram, Home/DM&R Department.
4. Secretary, Govt. of Mizoram, Health & Family Welfare Department.
5. Superintendent of Police, Khawzawl District.
6. Medical Superintendent, District Hospital, Khawzawl.
7. All Zonal Officers for information and necessary action.
8. All Chairman, Village Level Task Force, Khawzawl District.
9. Editors, Khawzawl Times and Si-Ar daily newspapers.
10. Website Manager, DC's office, Khawzawl
11. Relevant file



Deputy Commissioner

&

Chairman,

District Level Task Force on Covid-19

Khawzawl District, Khawzawl